



**Ra maan-y taab sũ-kiir ye, la belg-y taab tɪ b ra n kě
ye (belg ned t'a ra bũmb wala f sēn na n ta n da
toogo n na yɪl n bleg sēn rat n ra wã t'a ra n kě), la y
ra gě taab ye, la y ra maan raba-wēns ne taab ye,
yãmb sãnda ra wa koos taab koosg zug ye (wa ne
sēn barsd tɪ fo tug n paas ligdã n reeg n da), yɪ-y
Wënd yembse, n yaa ma-biisi**

Yii Abu Hurayrat nengě (Wënd yard be a yĩnga) a yeelame Wënd Tēn-tuom yeelame (Wënd puusg la A tɪlgr be a yĩnga): «Ra maan-y taab sũ-kiir ye, la belg-y taab tɪ b ra n kě ye (belg ned t'a ra bũmb wala f sēn na n ta n da toogo n na yɪl n bleg sēn rat n ra wã t'a ra n kě), la y ra gě taab ye, la y ra maan raba-wēns ne taab ye, yãmb sãnda ra wa koos taab koosg zug ye (wa ne sēn barsd tɪ fo tug n paas ligdã n reeg n da), yɪ-y Wënd yembse, n yaa ma-biisi, lɪslaam ne a to yaa ma-biisi, a ka wēgd-a, a ka basd a sōngre, a ka paoogd-a , Wënd zoεεgã yaa zĩ-kãngã» La a teesd a yãoogã noor a tãabo.«Wēng ta tɛk ne lɪslaam t'a wa tug n paoogd a ma-bi-taaga, lɪslaam gillã yaa haraam ne a lɪslaam taaga, a zumã yaa haraam, a arzekã yaa haraam, a burkĩnd yaa haraam».

[Naşun Şahuhun (Gom-sikdem sēn manege)] [A Muslim n togs-a]

Nabiyaamã (Wënd puusg la A tɪlgr be a yĩnga) sagla lɪslaam t'a maan neer ne a lɪslaam taag sēn yaa a ma-biigã, la a vēnega yel sãnda sēn yaa tɪlae n zao lɪslaam sēn yaa waagib-rãmba la zugdo, a ma-biisã wεεngě, la sēn be rēnda pugě: Rēenem sagellã: Ra maan-y taab sũ-kiir ye, ne sãnda sēn na n wa rat tɪ sãnda neema gōbg n bas-ba. Yiib soaba: ra belg-y taab tɪ b ra n kě ye, ne ned sēn na n tug n raad bũmb n kēedě, la a ka rat n na n ra ye, a ratame n maan bũmb sēn na n naf kaoosã, maa bũmb sēn na n nams raadã. Tãab soaba: La y ra gě taab ye, la yě me la rat n nams taaba, la a tullã yaa nonglem, sã n ka wa n mikame tɪ gēegã yaa Wënd yellã yĩnga, wakat-kãngã yaa tɪlae. Naas soaba: Ra rabs-y taab ye, ra gũd y zãn-kuisd ne taab ye, ne ned fãa sēn na n rɪk a zãn-kuidg n kō a ma-bi-taaga, n balld n basd-a, n wãagd-a, n ka baood a zĩigě ye. Nu soaba: Yãmb sãnda ra wa koos taab koosg zug ye, wala a sēn na n tug n yeel ned sēn raad bũmbu: mam tara a buudu t'a ligdã ka ta woto ye, maa a sōmblemã yudã yãwã, ne fo sēn ra ligd ningã. Rě poorě tɪ Nabiyaamã (Wënd puusg la A tɪlgr be a yĩnga) kō sagla sēn tigim n yeele: la y yɪ wala ma-biisi, n bas b sēn togs yel nins sēn yaa yel kiti wã, la y nigd pãng ne nonglem maanego, la yol-yole, la nimbãan-zoεεga, la bug-buge, la sōng-taab sōma pugě, n lagem ne sũyã yulgre la pu-peelem maaneg halhaal fãa. La sēn be ma-biir-kãngã yel-maandi wã pugě: Yaa a ra wēg a ma-biigã, la a ra maan n zuug a zug ye. La

a ra bas a ma-biigã tɪ b wēgd-a t'a bas n ka sōng-a ye, zīig ning yē sēn tōe n sōng-a wã la a zēk wēgdã n bas-a. La a ra faag a ma-biigã n paoog-a, n ges-a ne boogr la yaalg gesgo, la yēnda sababã yaa waoog-m-meng sēn be nebã sūurē. Rē poorē tɪ Nabiyaamã vēnege (Wēnd puusg la A tɪlgr be a yīnga) noor a tãabo, tɪ ad Wēnd zoεεgã bee sūurē wã, la ned ning Wēnd zoεεg sēn wa n be a sūurē wã, Wēnd zoeer ning sēn maand t'a sōmb n tall zug-sōngo la Wēnd yεεsgo, la Wēnd gūusgu, rēnd yē soab ka na n faag lɪslaam ye. La seka yēnda yel-wēnse la zug-yoodo tɪ lɪslaam sã n wa paoogd a lɪslaam taaga; la rēnda yaa waoog-m-meng sēn be a sūurē wã yīnga. Rē poorē tɪ Nabiyaamã (Wēnd puusg la A tɪlgr be a yīnga) keng n wilg sēn loogã, tɪ ad lɪslaam zāngã yaa haraam ne a lɪslaam taaga: a zumã: ne yē sēn na n maan n zuug a zugu, tɪ yaa kuubo, maa sēn ka ta kuubo, tɪ yaa sãmpoaga maa pãbre, la sēn wōnd rē, yaa woto bala, a arzekã, yaa haraam ne-a ne yē sēn na n tug n reegd arzek tɪ ka tū ne yē hake, woto bal la a burkīndã: ne a sēn na n tug n sãbsd-a a mengē wã maa a buudē wã.

<https://sunnah.global/hadeeth/mos/show/4706>

النجاة الخيرية
ALNAJAT CHARITY

